

## Dysgu Creadigol Cymru 25-26

### Hwyluswyr Hyfforddiant Dysgu Creadigol – Canllawiau Ymgeisio

#### Beth yw Archwilio?

Mae **Dysgu Creadigol Cymru** yn falch o ddatgelu pennod newydd gyffrous yn ein cenhadaeth i roi creadigrwydd wrth wraidd addysg, yn dilyn cais llwyddiannus diweddar Cyngor Celfyddydau Cymru i raglen cymorth grant y Cwricwlwm i Gymru. Wedi'i hariannu trwy fuddsoddiad o £3m gan Lywodraeth Cymru, gyda chyllid cyfatebol gan gyllid y Loteri Genedlaethol a ddosberthir gan Gyngor Celfyddydau Cymru, bydd y rhaglen tair blynedd gwerth £6m yn rhedeg tan fis Mawrth 2028.

Bydd y rhaglen newydd yn cefnogi ysgolion ledled Cymru i ail ddychmygu sut i fynd ati i ddylunio cwricwlwm, diwygio profiadau dysgu ag addysgu, datblygu lefelau ymgysylltu, a datgloi potensial dysgwyr trwy ddulliau beiddgar a chreadigol. Mae'r fenter newydd hon yn digwydd ar adeg hollbwysig ym myd addysg Cymru, gan gyd-fynd yn agos ag uchelgeisiau Cwricwlwm i Gymru. Bydd pwyslais clir ar lythrennedd, iechyd a lles, a gwreiddio creadigrwydd ar draws y cwricwlwm.

#### Archwilio

Mae Archwilio yn rhaglen ddeinamig, greadigol, genedlaethol sy'n cynnig cyfleoedd dysgu proffesiynol wyneb yn wyneb am ddim i athrawon, uwch gynorthwywyr ac arweinwyr. Mae'r cyfleoedd wedi'u dylunio i ymddwyn fel hyfforddiant sylfaenol yn o gystal â sesiynau gloywi, a fydd yn cynnig amrywiaeth o weithgareddau hunan-werthuso, cyngor ar gynllunio i annog creadigrwydd, a syniadau ymarferol ynglŷn â sut i ddod â dysgu creadigol yn fyw ar lawr y dosbarth.

Gall y rhai sy'n mynychu ddisgwyl cyfle i archwilio gwahanol dechnegau a dulliau ynghylch sut i gychwyn, neu ddatblygu eu gallu i;

- wreiddio Pedwar Diben Cwricwlwm Cymru, gyda phwyslais ar ddatblygu cyfranwyr mentrus a chreadigol.
- ddatblygu sgiliau meddwl creadigol a beirniadol, gan helpu dysgwyr i ffynnu mewn byd sy'n esblygu'n barhaus.
- godi safonau lythrennedd a llafaredd, yn enwedig ymysg ein dysgwyr mwyaf difreintiedig.

- godi lefelau iechyd a lles ag ymgysylltiad trwy wneud dysgu yn fwy ystyrlon a chynhwysol.
- flaenoriaethu llais y disgybl wrth fynd ati i ddylunio cwricwlwm a datblygu cynlluniau gwella ysgol.

## Cwestiynau Cyffredin

### Ar gyfer pwy mae ARCHWILIO?

Athrawon, Uwch Gynorthwyyr Addysgu, Arweinwyr Cwricwlwm, Aelodau'r tîm Arweinyddiaeth.

### Faint o sesiynau ARCHWILIO a gynhelir, a ble y'u cynhelir?

Cynhelir y sesiynau wyneb-yn-wyneb mewn chwech o leoliadau ledled Cymru. Dwy sesiwn y tymor ym mhob lleoliad (12 sesiwn y tymor)

### Pa mor hir fydd y sesiynau?

Bydd pob sesiwn yn rhedeg o 9:30 - 14:30 a bydd cinio wedi'i ddarparu.

### Ar ba ddyddiau y cynhelir sesiynau ARCHWILIO?

Bydd holl sesiynau ARCHWILIO yn digwydd ar ddydd Mawrth neu/a dydd Iau

### Faint fydda i'n cael fy nhalu, a faint o sesiynau fydda i'n cael eu cynnig?

Bydd Hwyluswyr Hyfforddiant Dysgu Creadigol yn cael eu talu £300 y dydd, ynghyd â threuliau teithio. Rydym yn rhagweld y byddwn yn cynnig rhwng 5 ac 8 diwrnod o waith i'r Hwyluswyr bob blwyddyn academiaidd.

### Sut olwg sydd ar gynnwys a siâp y diwrnod?

Amrywiaeth ddwyieithog o weithgareddau hwyliog, hunan-fyfyriol a phwrpasol, a sgysiau ymarferol fydd yn archwilio ac yn cyflwyno gwahanol syniadau i fynychwyr ynghylch sut i roi dysgu creadigol ar waith yn yr ystafell ddosbarth. Bydd sesiynau ARCHWILIO yn dilyn tair thema benodol: Dysgu Creadigol ar draws y cwricwlwm, Llesiant a Llythrennedd, a bydd pob un ohonynt yn ddefnyddiol i helpu athrawon gyda dylunio cwricwlwm.

### Pwy fydd yn rhan o'r tîm hyfforddi?

Bydd pob sesiwn ARCHWILIO yn cael ei chyflwyno'n ddwyieithog gan dîm o ddau Arweinydd Prosiect o'r tîm Dysgu Creadigol ac un Hwylusydd Hyfforddiant Dysgu Creadigol.

### Sut fydd ysgolion yn gwneud cais, ac a oes cost i athrawon fynychu?

Bydd athrawon yn cofrestru drwy broses gofrestru ar-lein. Mae'r sesiynau am ddim.

### A fydda i'n cael fy hyfforddi?

Byddwch, bydd yn rhaid i chi fynd i sesiwn 'hyfforddi'r hyfforddwr' a chewch dâl am

hynny. Bydd cyfarwyddiadau ac arweiniad ar arddull cyflwyno, cynnwys a deunyddiau yn cael eu darparu yn y sesiwn hon.

**Beth yw'r dyddiadau allweddol y mae angen i mi fod ar gael ar eu cyfer?**

|                                                   |                                                   |
|---------------------------------------------------|---------------------------------------------------|
| Dyddiad cau ar gyfer ceisiadau                    | Dydd Iau 7fed Awst 2025                           |
| 'Hyfforddi'r hyfforddwr' (Lleoliad i'w gadarnhau) | Dydd Mercher 1af Hydref 2025*                     |
| Dyddiau Hyfforddi                                 | Dydd Mawrth neu ddydd Iau yn ystod tymor yr ysgol |

**\*Peidiwch ag ymgeisio os nad ydych ar gael ar y dyddiad hwn.**

Bydd manylion llawn ynghylch pa sesiynau y bydd gofyn i chi eu cyflwyno wedi'u cynnwys yn eich cytundeb cychwynnol, gyda dyddiadau yn y dyfodol wedi'u cynnwys mewn diweddariadau i'ch cytundeb. Rydym yn disgwyl cyhoeddi cytundebau ym mis Medi 2025.

**Beth ydych chi'n chwilio amdano mewn Hwylusydd Hyfforddiant Dysgu Creadigol?**

Darperir tabl manyleb deilydd y swydd cynhwysfawr isod – gwnewch yn siŵr eich bod yn darllen hwnnw'n ofalus cyn cyflwyno cais, yn enwedig y meini prawf hanfodol. Dylech hefyd ystyried y ddogfen gyfan hon a'r ffurflen gais ar-lein yn ofalus yn ogystal.

Dau ofyniad penodol allweddol yw y dylech fod â phrofiad sylweddol o gyflwyno hyfforddiant proffesiynol, a'ch bod wedi gweithio ar y Rhaglen Dysgu Creadigol Drwy'r Celfyddydau yng Nghymru fel Asiant Creadigol, Ymarferydd Creadigol neu Weithiwr Creadigol Proffesiynol (ac wedi mynychu hyfforddiant yn llwyddiannus ar gyfer un neu fwy o'r rolau hyn).

**Faint o Hwyluswyr Hyfforddi Dysgu Creadigol fydd yn cael eu penodi?**

Uchafswm o chwech, o bob cwr o Gymru.

**Sut mae gwneud cais?**

[Trwy gyflwyno ffurflen gais.](#)

Peidiwch ag anghofio i wirio eich atebion yn ôl manyleb deilydd y swydd isod a chynnwys enghreifftiau i gefnogi eich datganiadau. Peidiwch ag anfon CV.

**Pwysig:** nodwch y byddwn yn seilio ein penderfyniadau ar yr wybodaeth a gyflenwir drwy'r broses recriwtio hon yn unig (nid ar unrhyw wybodaeth flaenorol a allai fod gennym am eich gwaith na'ch cymwysterau).

## Manyleb Deilydd y Swydd – Hwylusydd Hyfforddiant Dysgu Creadigol

|            | Hanfodol                                                                                                                                                                                                                                                                                                                                                                                                                                                                                                                                                                               | Dymunol                                                                                                                                                                                                                                                                                                                                                                                   |
|------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Gwybodaeth | <ul style="list-style-type: none"> <li>- Gwybodaeth am greadigrwydd a'r broses greadigol</li> <li>- Gwybodaeth a dealltwriaeth o ddulliau hyfforddi addysgeg ac ymarferion myfyrio Dysgu Creadigol Cymru</li> <li>- Dealltwriaeth a'r gallu i werthfawrogi hunanymwybyddiaeth mewn gofod hyfforddi deinamig</li> <li>- Gwybodaeth a dealltwriaeth o gydweithio a chyd-ddysgu a chyd-hwyluso effeithiol</li> </ul>                                                                                                                                                                      | <ul style="list-style-type: none"> <li>- Gwybodaeth am yr ymdrech i ddiwygio addysg yng Nghymru, a sut mae hyn yn berthnasol i waith Dysgu Creadigol Cymru</li> <li>- Dealltwriaeth o raglenni gweithgaredd sy'n bodloni blaenoriaethau datblygu ysgolion a'u dysgwyr</li> <li>- Gwybodaeth am asesiadau risg Iechyd a Diogelwch yn y gweithle</li> </ul>                                 |
| Sgiliau    | <ul style="list-style-type: none"> <li>- Sgiliau cyfathrebu cryf yn Saesneg a'r/neu'r Gymraeg</li> <li>- Meddu â'r gallu i fod yn drefnus ac i reoli amser yn effeithiol</li> <li>- Agwedd gadarnhaol a phroffesiynol a'r gallu i ysgogi ac annog cydweithwyr a dysgwyr mewn amgylchedd hyfforddiant</li> <li>- Parodrwydd i drin cydweithwyr ag athrawon fel partneriaid cyfartal ac i weithio mewn ffyrdd myfyriol</li> <li>- Ymrwymiad i gofleidio holl werthoedd ac egwyddorion addysgeg Dysgu Creadigol Cymru, a'u cynrychioli yn llawn brwdfrydedd fel ein llysgennad</li> </ul> | <ul style="list-style-type: none"> <li>- Y gallu i weithio drwy gyfrwng y Gymraeg</li> <li>- Hyfforddiant proffesiynol neu gymhwyster(au) addysgu</li> </ul>                                                                                                                                                                                                                              |
| Profiad    | <ul style="list-style-type: none"> <li>- Profiad o ddarparu hyfforddiant proffesiynol o ansawdd uchel i oedolion</li> <li>- Profiad o sefydlu perthnasoedd proffesiynol hyderus, diplomataidd a chynhyrchiol</li> <li>- Profiad blaenorol o ddysgu creadigol a'r berthynas rhwng ymarfer creadigol a chreadigrwydd eraill</li> <li>- Profiad o weithio fel gweithiwr creadigol proffesiynol, ymarferydd neu asiant ar draws un o raglenni Dysgu Creadigol Drwy'r Celfyddydau Cyngor Celfyddydau Cymru</li> </ul>                                                                       | <ul style="list-style-type: none"> <li>- Darparu hyfforddiant o ansawdd uchel i athrawon a gweithwyr y sector addysg mewn ysgolion yng Nghymru.</li> <li>- Profiad blaenorol o gyflwyno hyfforddiant ar raglenni Dysgu Creadigol Drwy'r Celfyddydau Cyngor Celfyddydau Cymru</li> <li>- Os ydych chi'n uniaethu fel rhywun o grŵp neu gymuned sydd heb gynrychiolaeth ddigonol</li> </ul> |